

八瓊室金石補正

八瓊室金石補正卷一百十一

太倉陸增祥撰

男 繼輝校錄

吳興劉承幹覆校

宋三十

贈魏王告詞敕

高一尺九寸廣二尺八寸廿行行十八字
字徑六分行書又小字三行正書在汝州

贈太師中書令兼尚書令魏王告詞

勅昔我

宣祖逮事有周元德陰功升聞

上帝篤生

聖子肇啓宋邦

藝祖

太宗撥亂反正

章聖

仁廟持

盈守成

英皇嗣之以宏遠規摹

神考成之以高

明法度商后之六七作中間闕如周家之十八王繫世

若此朕以眇末未堪多難上蒙

列聖之休猷託

地民之上代天制命其敢自私稽玉牒之相承念皇枝

之靡逮推原慶本敷錫褒章

宣祖皇帝子贈太師中書令兼尙書令秦王諡悼廷美

託體安陵分茅秦地生知忠孝躬服詩書嗟景躅之莫

追想徽猷之未泯進䟽王土大啓魏邦尙其幽奄服此

休命可特追封魏王餘如故

告贈太師中書令兼尙書令追封魏王諡悼廷
美奉

勅如右符到奉行

元符三年三月十四日下

魏王告今 本宮奉國公掌之政祔三
年五月初十日管轄添修墳園吳位趙
令□立石

開封李昌邦書

刊者党

文寶

宋史魏王廷美傳字文化本名光美太平興國初

改今名開寶六年加中書令封秦王後降爲涪陵
縣公雍熙元年卒追封涪王諡曰悼真宗卽位追
復西京留守檢校太師兼中書令河南尹秦王咸
平二年詔擇汝鄧地改葬汝州梁縣之新豐鄉仁
宗卽位贈太師尙書令徽宗卽位改封魏王據碑
則改封在哲宗元符三年史誤矣後云魏王告今
本宮秦國公掌之按熙甯二年以承亮爲秦國公
奉秦王祀卒贈樂平郡王子克愉嗣克愉卒子叔
牙嗣元符三年改今封

陽升觀碑

高九尺四寸廣五尺三十六行行七十二字字徑一寸正書額失拓在攸縣

陽升觀記

□奉大夫權荆湖南路計度轉運副使兼勸農使南陽縣開國男食邑三百戶借紫金魚袋臣程元佐撰奉議郎充江淮荆浙福建廣南路提點坑冶鑄錢司句當公事臣程暉書

朝請郎權發遣提點荆湖南路刑獄兼提舉河渠公事借紫金魚袋臣王澤題額

臣元佐伏奉

御前處分專一管句修完司空山

朱陽觀繼蒙

聖恩寵錫名額賜經加號禮盛文綏

實一時之熙事非刻之金石懼無以揚

德意之美而永萬世之傳官吏父老冠褐之衆謂臣親奉

睿旨董治眞祠宜有叙述以紀本末臣不敢

辭謹按長沙屬邑攸縣之東五十里連山峻極澗谷通
流自谷口涉澗而東十數里山青水碧重巒疊嶂盤薄
回環峯然拔翠者十有二峯青煙白雲登暮舒卷信靈
異之境也按舊記所載自周漢以來如蘇隱者九人皆
得道於此其後南齊張鼎相□帝官爲司空棄官遯世
舉室遊瀟湘至蘇隱舊山欣然卜居司空有道之士也
旣山居遂性清心恬澹日誦大洞眞經三十九章得其

妙旨養神育氣凡三十有七年而道成梁天

監二年秋

八月既

望之夕

遂

有仙衣王冊之授至陳天嘉初其徒

章馬二士繼隱其舊居閱四年而亦有跨鶴輕舉之異

唐天寶七年雖卽其居肇建祠宇而地勢窳缺規制猥

陋繇歲

既

久棟

字摧爛

□□□谷

粗

存基構之餘政和

二年

聖上覽圖籍異其事聞其風之皆廢而晦匿於無聞乃

詔漕臣程元佐相視弊陋革而新之於是鬻度

僧之符以儲金因採山之民以市材廩蕪鑿

荒補薄增

卑踞巨

阜而臨清流飛

觀列峙脩廡環翼有名者皆有

籍有籍者皆有祠不費於公不擾於民不諉於有司而
宏敞奐麗凡一百有十楹經始於春三月至秋九月而
落成

詔易

名陽

升以資

其寵加號冲升

以崇其

道賜大洞真經以顯其迹於是境內冠褐小大官吏與
夫都邑之民扶老攜少爭先奔走填噎山谷歡呼踴躍
瞻歎欣賀遂相與洎潔壇場設慶成之燕

稽首再拜祝

天子之壽而亦懽喜感激知

聖主所以爲民祈福之地也夫自梁天監三年司空得
道至唐天寶七年凡二百四十有六年而始建祠以興

其靈迹自唐建祠逮今又三百六十有六年而

聖主一更而新之以闡其眞風夫大道之不行也久矣

豈天將以陰贊

聖意振揚幽側昭明大道以爲

至治之卒歟臣嘗

謂

至道之精自本自根不將不迎而

眞

意妙理相會於窈冥

之境及其動而接物感而遂通

則不可以理詰不可以數推

要

其歸則眞與氣而已二

氣之會也於元精鍵以閉之眞之全也

六精

之澤滋漑

五華抱一歸

根氣之全也氣

固眞存至道之

根窅然不

動神之全也道至於神則至矣故靜而神凝動而神

游

出

入變化妙用無窮至有蹈火不熱入水不溺御風而

行此一氣之真至精至變以達於至道之妙也而世之

所謂神仙者歟

聖上恭已南面以道蒞天下以孝通神明考禮文正祀

典雖山川神祇罔不登秩簠簋珪幣罔不時飭故萬靈

受記百神儲休而諸福之物莫不畢至此皆精誠之感

所以昭格乎上下者備矣而況乎會真之都集釐之庭

受上清之符存靈應之迹而願做湮廢是宜

上心惻惻德音下明詔飾真館

錫嘉號以昭褒異之意而非以其神僊爲可慕也蓋

以謂淳樸之行足以厚俗清靜之風足以化民□無爲

之事行不言

之教則道化行俗習美而其治遂至於無

欲而民自樸好靜而民自正端拱而視天民之阜矣此

上之所以尊道崇真之意其於治道不曰小補方海內

乂安蠻夷懷服休符紹至嘉瑞荐臻犴獄久虛年穀屢

稔

上於斯時又豈特尊道崇真而已哉固將稽大典講盛

儀封泰山勒嵩岳詩大澤之博遠闡休烈之□□臣卑

遠之迹尙能鼓舞

田廬倚

巴歛之嚴而

鼓擊壤之歌以

詠

盛德

□□□

況

今親被

上旨宣布

異恩頌述一時之盛而貽之無窮臣之職也謹拜手

稽首而獻頌曰

二氣合德 百真大混 氣固真全 至道之本

窈兮冥兮 其中有精 抱一不搖 妙於至神

沖清司空 棄榮離俗 恬澹虛心 溫池之曲

妙旨所得 三十九章 含德之厚 與道翱翔

朝斗霜壇 風清月白 雲步逍遙 霞衣玉冊

章馬 道嗣 羽馭騰驤 猿驚鶴怨 爐冷丹竈

妙道寢聞 眞祠肇建 禱祀響答 靈休式顯

寥寥奕世 幾六百年 摧敗堙廢 高風莫傳

睿主在宥 道貴清靜 輝耀希夷 振揚幽隱
肆命膺臣 革故鼎新 琳宮華啓 碧瓦朱楹
寵賁微名 褒隆美號 聖畫雲章 崇負顯道
金鸞燦榜 玉橫函經 物情改觀 幽谷生春
羣真來歸 上帝俯池 風馬雲車 徘徊福地
斟漿桂酒 列陳瑤席 上眞欣娛 百神悅懌
儲禱薦祥 保佑 我皇 天子萬年 受福無疆
旣受帝祉 施于孫子 璿圖玉牒 天地終始

九月二十八日奉

御寶批依此刊石

政和三年歲癸巳十月戊申朔二十五日壬申朝
請大夫直祕閣權發遣潭州軍州管句學事兼管
內勸農事兼荆湖南路安撫充本路兵馬鈐轄借
紫金魚袋臣張爲立石

右陽升觀碑在攸縣司空真人祠從未椎拓屢屬

攸縣廣文張季農

邵澤

募工打本至今甲戌七月

始攜此見貽真人頗著靈異邑有旱潦輒昇以入
城官吏建壇祈禱迭驗是亦有功德於民者而如
此豐碑通志僅据邑乘列目云政和二年九月不
知碑之立於三年十月也亦失於搜剔矣然幸志

有之因得尋蹤訪獲修志尤不宜屏棄耳寺觀附載此文舛謬不少而石有剝泐据以補注於旁通志据全唐文載蘇師道司空山碑系於天寶十四年十月此碑稱舊祠頽廢粗存基構之餘絕不言及古碑知蘇碑在爾時已亡無怪今茲之徧搜不得也按明一統志司空山在攸縣東四十五里南接雲陽連山峻拔左右有三十六峰舊名麒麟山亦名溫泉山南齊司空張岳棄官隱此因改今名而明史地理志云縣南有司空山南疑東字之譌陽升觀通志升作昇一統志亦作昇云在縣東四

十五里舊名朱陽觀祀南齊司空張岳勣自唐天寶間宋政和間重建易今名輿碑所述悉合蘇碑敘述甚詳其略曰按梁任彥昇述異記云司空姓張名岳字伯玉清河郡人也齊明帝時仕至司空及東昏侯嗣位攜家去關欲希長生以避世歷壽山入朱陵洞浮屠舍宇環疊左右乃歎曰身心清淨安能與世營營乎遽聞洞南有麒麟山者漢代蘇隱隱此得道駕麟車而冲天以是得名於是傾家居焉旦夕誦大洞真經三十九章梁天監二年八月全家八十餘口白日冲天陳天嘉初有丹陽

章馬二先生來曰我二人乃司空弟子也同入此
山精修道行至四年二月亦跨鶴登仙矣今本述
異記無張畧事此碑所述大約本於蘇碑蘇碑又
云司空山去縣四十五里東西廣一百二十里南
北一百八十里高二千六百丈下有溫水源故名
溫泉山亦名紫麟山及司空隱此得道遂名司空
山焉中有大觀一所天寶七載建造標額爲朱陽
觀蓋取南嶽朱陵洞當此山之南故也文云非以
其神仙爲可慕可謂立言有則惜無以格君心之
非也是時崇尚道教詔天下訪求道教仙經至繆

言玉帝憫中華被金狄之教令帝主天下悉歸正道道錄院上章冊帝爲教主道君皇帝不久而金人內犯二帝蒙塵良可哀已碑文呈進敕刊故程元佐諸人皆書臣字碑尾題奉御寶批依此刊石宅碑未見此式程元佐諸人不見於通志職官可据此補之程暉字明廸通義人見麓山寺碑陰詩大澤之博遠用司馬相如封禪文語

孫漸遊驢山詩

政和四年十月 萃
編載卷一百四十六

萃

遊驪山作

失載題

零口

刊口
口誤

明
明作

裹
裹作

冥：

冥作冥

緑
作誤

縁刊

絳溪題刻七種

州在簡

劉題名高一尺四寸廣一尺一寸四行行存三
四字字徑二寸五分末行較小左行正

劉宋下和甲午上日泛舟缺

符篇篇缺

此政和四年也第一字疑是地名符篇篇當是其
子侍行者

丁巳殘刻高二尺廣二尺六寸十行
行八字字徑二寸正書

紹興丁巳夏孟齊天開郊原清山色如染陽

光公餘無事招趙甫宛裕

侯臣舉舟西至此小

日暮趣還興未盡也

後行全缺

鄭城詩

高三尺廣一尺八寸四行行字不一字徑二寸餘左行題款二行較小正書

一帶波光遶翠屏森

萬木擁幽清小臣已作

頌賦中興頌

聖明

興辛未季後四月十日

侍親泛舟

來游曰賦詩

鄭城

興字半泐然無疑也

薛公肅題名

高三尺廣一尺六寸六行行十四五字字徑一寸五分正書

薛公肅約嚴一飛載叔許子家子初劉元朝趙全叔勾

龍誠□□謙之弟同飯溪堂泝舟觀藏真□□□□幽
間竒古有慙人巖洞谿壑之意是□風日清美草木秀
潤酌泉相羊久之□□以事自溪堂先歸洎熙三□□
月十九日

趙希濬題名

高四尺二寸廣二尺八寸九行
行十六字字徑二寸許正書

浚儀趙希濬公發吏此邦□□□耳熟藏真竒觀若隔
僊凡可望不可□□□故□鄉大夫士彭正午仁父素
子熙□□李振午并進楊行儉德廣蘭有成□□□伯
樵興文徐天與之翁賈培之子重□□□明劉垌思
子正相與欵留□掉舟載酒□訪焉蒼崖巖天古蔓覆

地激甘飲冽塵□豁如尙羊久之因援筆識歲月紀溪

山之勝云嘉定癸未下元前□日

三巴香古志謂在資州北岩据文是記藏真之游

者繆筱山謂在簡州當不誤

殘題名高一尺廣入寸三行行五字字徑一寸七分八分左行正書在鄭城詩刻下右方

春初三日同□難□一□游

藏真泉題字高三尺一寸廣二尺三寸一行字徑七寸餘行書左右兩行字徑三寸許正書

藏□泉 郡從事缺并書 宰陽安缺□刊

右刻在簡州西厓下中泐相傳爲許弈書弈字子成

簡州人開禧廷試第一授東川節度使判官累官至

寶謨閣學士宋史有傳

三巴香古志

王舜臣題名

高九寸廣七寸六行行九十字字徑六分行書

被召赴闕回謁

神祠投宿奉聖精舍時政和乙未正月念八日龍神衛四廂都指揮使恩州刺史太原府路馬步軍副都總管

王舜臣才元題

唐李元禮戒殺生文

高二尺一寸廣一尺五寸九行行十九字字徑六分行書後上石年月二行行廿五字字徑五分正書在

登封

唐李元禮戒殺生文

鱗甲羽毛諸□類秉性與我元無二只爲前生作用愚
致使今生頭角異或水中游或林裏戲爭忍傷殘供品
味磨刀着火欲烹時口不能言眼還視我聞天地之大
德曰生莫把羣生當容易殘雙賊命傷太和□子勸妻
誇便利只知合眼恣無明不悟幽冥毫髮記命將終冤
對至面覩陰官爭許諱人□爲獄、爲人物裏輪迴深
可畏不殺名爲大放生免落阿毗無間地

政和五年歲次乙未二月十五日 東都史牧出

已繕置石記者中嶽嵩山崇福宮知宮崇教大師

賜紫張若柔摹工刻石

嵩陽聶古模刻

募工書作摹工

肖巖題刻二段

在東安

周裕詩

高二尺三寸五分廣二尺七寸五分前四行十字字徑一寸五分詩八行行七字字徑一寸許題款及立石共三行行字不計正書

通判軍事周裕按視坑冶政和五年乙未孟冬二十有五日同靖位防守龍端來遊歷覽勝槩易名肖巖

題肖巖

宣教郎權通判軍事周裕

萬屋藏雲造化剡仙源路在小江干三冬洞府幽栖
暖九夏星查穩泛寒飛鷲忽驚天柱過蟄龍猶向石
田蟠揭名爲報紅塵客莫把茲巖取次看

門生下班祇應權靖位鋪兵甲防守龍端立
石

右題記四行行書詩連題十行又立石者一行皆正
書案肖巖宋時在武岡軍新甯界今亦在東安新甯
接壤處非裕曾判永也又案裕祁陽人元符三年李
釜榜進士武岡志蕭巖新化志蕭巖皆云有其題記
或卽東安題刻之傳異也

金石
審

一統志嘯巖在縣西北三十五里內閣下坦卽此
肖巖也通志山川附錄此詩屋作窟剗作寬莫作
儘此題書刻俱拙疑經後人重鑄幽栖字尙有
改鑿痕也永志三冬誤作三人下班誤作丁班

周裕題字

高二尺二寸五分廣一尺三寸五分中一行篆書二字字長九寸五分左右各一行

行字不計正書

肖巖

政和五年乙未十一月二十五日

此行在右

宣教郎權通判武岡軍管句學事兼管內勸農事借

緋魚袋周□立

此行在左

右篆書巖名二字旁年月官名二行正書在東安縣

周下當即裕字

金石審

永志句誤作司并脫立字

董寶卿仙蹟跋二段

高五尺廣二尺中列仙筆右方題字五行行四十一
字左方題字四行行三十四字字徑五分正書在新
鄉

州□□□□□□□□□□事□□□□□□□□□□

□□謁於□□禮竟□□□□爲求化□揖之坐竟□□

□□□□□□□□□□與未及房已聞弄筆聲慮

其汚□使□他□回視壁間已有題字□重□方駭□

□□□□□已失道人所在其□士人季允以謂頗
類仙人謝小娥筆□云□邢臺仙書碑題證之乃秦人
劉海蟾來過也字幹如煙雲徘徊勢欲飛動似非凡筆
所能爲然神仙之事杳默難知因紀梗槩以俟識者辨
之□□□覩道人時卽政和五年乙未十一月十有四
日也鄱陽董賓卿□汲郡呂無逸書

政和六年四月十八日賓卿因行縣再到此詳視前日
所跋壁間題字益信其不凡使或人得鵝轉頸法恐不
能竊騰飛舉離絕筆墨□逕若此也今 天子明日人
青□□□□□神與天爲一旦嘗面奉 帝訓尊崇

道教故異人奇士繼踵而出不識此將□□□□□□
而方且自天子之居來耶賓卿謹題 郡倅董公朝
請留字文林郎□□刊

中州金石攷劉海蟾留仙碑政和五年邑令燕琨
立石在東門外白鶴觀觀內有上黨郭世元畫象
并贊刻石今燕琨名已泐矣碑右疑尙失拓一行
文有今天子明日入青□□云云以史證之是年
四月乙丑會道士於上清寶籙宮

李昌孺示初公頌

高二尺七寸廣一尺二寸七分六行行字不一字徑
一寸三分行書上石人名小字二行正書在登封

拙頌示 少林長老初公

河南李昌孺德初

昔日曾聞師子音清風匝地滿叢林不須更問西來意
曉月亭、正露金 又

一見師來契此心更於何處問知音要尋達磨當年事
只是如今舊少林

政和六年孟夏旦日通仕郎新鄭州司兵曹事劉卞

上石



李昌孺少林寺詩

高二尺七寸廣一尺二寸七分八行行字不一字徑
一寸三分許行書年月一行殘泐小字正書在登封

留題少林寺

河南李昌肅德初運使

少林來處豈無因
知有當年面壁人
五葉一花元會得
莫將消息問殘春

又

五乳峯前達磨居
徘徊山曉竹疎疎
自從隻履西歸後
卓錫泉今問已無

又

曾已香山作隱居
雙泉風月自蕭疎
不知小鄧庵相近
餘地還能待我無

政和□年□□□□

下缺

年月平漫卽附前刻之後訪碑錄併作一種其實

兩石各有年月也筠清館失載紀年達磨磨字作去聲讀兩刻同李昌孺無傳不知何處運使

夏鑄孔廟題名

高一尺五寸五分廣一尺三寸三行
行六字字徑一寸七分許正書左行

會稽夏鑄恭拜先聖祠下政和丙申歲中秋日

右刻在曲阜孔子顏子讚殘碑之陰山左金石志
未載

中塲陳寂之墓誌

方一尺一寸二分十一行行十二字
字徑五分許後空一行正書在洛陽

陳氏之塲墓誌

陳氏中殤曰寂之字通夫其先眉州青神人後徙居葉故爲汝州葉人曾祖希世贈職方貢外郎祖論職方貢外郎父綱隱德不仕通夫生而聰悟九歲能通論語孟子毛詩不幸年十三而死寶元符元年六月十三日以政和七年四月十二日其兄甯之等乃舉其喪葬於河南府壽安縣龕澗里先人之墓左謹誌

右陳寂之墓志在洛陽存古閣寂之先世名不見於史其兄甯之亦無攷

宣德郎穆叢墓表

高四尺四寸六分廣二尺五寸十七行行廿五字字長徑一寸六分篆書方界格在章邱

政蘇壬辰六月先府君捐館葬章邱女郎山其始窆也
河間劉金斯立爲誌其壙後五季不肖子浹復已行事
大略泣而表於墓曰府君諱輩字彥翔元祐末登通禮
科歷衢州司鹽參軍監鄞州酒留州長山通利軍黎陽
二縣丞懷州防禦判官未赴致仕授宣德元年季五十
九在黎陽鹽渠導瀦水復廢田四千頃皆膏腴沃壤民
賴其賜因号其渠曰長豐渠時給事中王覲提舉常平
亟以狀聞命且下爲不茹者所沮府君處之裕如也郵
中滯國信使奏牘朝廷怒既已按巡轄官又欲咎所經
州縣宰移疾臥內府君攝事教書至卽具服且剛宰弗

干豫狀語人曰宰貧養親忍與之舉玄邪卽被劾會有
旨赦之宰部役宿河上忽夜聞講甚遽窺闕則衆苦
其虐將持刃爲兵入劫废舍宰大惶駭脫身詣府君爲
馳往言禍福論之衆遂安堵居官清慎尋常絕口弗語
人過所在圭田遇憊歲悉蠲除之初娶夏氏再娶趙氏
宣惠郎京之女男浹滋濃治女嫁唐誦趙義幼在室烏
呼惟府君積善而夭嗇報殊未究所蘊異嘗从宦四方
諸孤皆穉孺實不能知其所以施設晚官黎陽獨浹季
始長故紀之良盡若夫攷穆氏在出之詳則補載焉志
及曾大父之碣存焉曾大父諱賓大父諱端云洛陽王

喬卿書

任升摹刻

山左金石志載穆氏先塋二表一爲穆賓一爲穆
端卽輩之祖若父而獨不及此刻當是後來出土
者碑云元祐末登通禮科案宋史開寶中改鄉貢
開元禮爲通禮熙甯嘗罷元祐六年始復定古文
企見說文協作芴芴同力也備作葡萄具也猶見
古義

碑陰穆氏塋舍記

高廣同前十八行行卅四字
字徑八分許正書方界格

昔政無初先公宣德罷黎陽丞歸章邱里弟暇日與術

者晉祜之相其支壠別卜地於先□□□凡占田縱二
十七步廣三十二步有畸附塋之田俾禦樵牧以食其
利者弗與焉曰手植柏六十四株爲限構舍於旁營輓
壠爲壽藏喪具及諸下里物悉前期爲備時先公已微
恙矣卽預戒淚曰曩吾奉先考妣之喪屬家貧甚一遵
遺令務從損約吾它日啓手足於舍下汝曹奉終制毋
徇俗毋倩禮毋拘陰陽毋尙侈溢反此皆戾吾志迫屬
續諸孤創鉅祭奠之外唯知遵守治命卜日以壠而已
竊自念罪逆不孝於襄事有弗獲盡力以當大事每怛
然泚頰於是大治冢舍塚文金石爲曾祖以下三世墓

碣以傳不朽又使祐之推五姓清濁以穆音配羽放姚
域爲圖因券臺之石而刺于其上舉或中之穴凡四十
有九其可葬者曰甲庚辛壬癸合內外穴共十皆馳之
以次具載於圖其穴之已用者則紀其官諱餘但以支
干別之以待後人刊記庶不紊侶穆之敘昔呂才謂古
之葬不以五姓選地並在國都之北攷於經雖曰卜其
宅兆特冀非常若開壤之類故其筮嗣曰度茲幽宅無
有後艱蓋非以卜驗禍福也而又貴賤等差舉喪有期
固□若後世違禮越時以惑葬巫之妄族雖冥賴何敢
不遵禮以承先志族□□□□□□□□□□近在章邱北

郭外歲時展墓免迢遰之勞復先公疇昔杖屨往來經
營之地歿而有知豈不眷戀於此哉噫是域也其審擇
形勢法雖亦出于陰陽家然其說自管郭輩箸書遂爲
世所師用相承莫革聊復曰仍亦行禮不求變俗之義
孰曰不可若乃專言凶禁忌信地里之徵規二然欲徼
福於墟墓間是直野人巫史之謬爾苟非通達之士安
能不滯乎此斯實先公平日之論故今碑陰一述弗敢
略也重和元年十二月朔日□謹記王壽卿書

据碑尙有兆域圖題字一刻然未見箸錄也書人
王壽卿能知說文之學者如或中之穴域書作或

昭穆作侶近鮮知之矣

蔡卞面壁庵題字

高四尺一寸廣二尺三寸二行六字字
徑尺許署款小字一行在登封少林寺

達磨面壁之庵

蒲陽蔡卞書

碑無年月蔡卞知河南府在政和初附政和末

隴西朋甫題名

高一尺二寸廣七寸四行行
字不一字徑寸許行書左行

隴西朋甫按兵長安□由慶壽得覘

聖像豈重和已

亥孟春念六日題

已亥卽宣和元年

眞相院釋迦舍利塔銘

高一尺六寸廣二尺共廿三行行
廿五字字徑四分正書在長清

齊州長清縣眞相院釋迦舍利塔銘

并引

翰林學士朝奉郎知制誥上騎都尉武功縣開國

男食邑三百戶賜紫金魚袋蘇軾詞并書

洞庭之南有阿育王塔分葬釋迦如來舍利嘗有作大
施會出而浴之者緇素傳捧涕泣作禮有比丘竊取其
三色如含桃大如薏苡將寘之他方爲衆生福田久而
不能以授白衣方子明元豐三年軾之弟轍官高安
子明以畀之七年軾自齊安恩徙臨汝過而見之八

年移守文登呂爲尙書禮部郎過濟南長清真相院僧
法泰方爲塼塔十有三成峻峙蟠固人天鬼神所共瞻
仰而未有以葬軾默念曰予弟所寶釋迦舍利意將止
於此耶昔予先君父安主簿贈中大夫諱洵先夫人武
昌太君程氏皆性仁行廉崇信三寶捐館之日追口慙
意捨所愛作佛事雖力有所止而志則無盡自傾憂患
廢而不舉將二十年矣復廣前事庶幾在此泰聞踊躍
明年來請於京師探篋中得金一兩銀六兩使歸求之
衆人以具棺槨銘曰

如來法身無有邊化爲丈六示人天偉哉有形斯有年

紫金光□飛爲煙惟有堅固百億千輪王阿育願力堅
役使空界鬼與仙分置衆刹奠山川棺槨十襲悶精園
神光晝夜跋層巔誰其取此智且權佛身普現衆目前
昏者坐受遠近遷冥行黑月墮坎泉分身來化會有緣
流傳至此誰使然并包齊魯窮海壖獷悍柔□冥愚賢
願持此福逮我先生、世、離垢纏

元祐二年八月甲辰

宣和三年十月

日住持真教大師

文海立

石

案東坡年譜及紀年錄元豐八年五月復朝奉郎知

登州八月十七日得旨十月十五日到登州二十日
召爲禮部員外郎其過濟南長清眞相寺年譜不載
但系作塔銘於元祐元年今案碑文則非元年矣据
海市詩刻公自登州入都已近十月之晦過眞相院
事當卽在觀海市之後據銘序云泰聞踊躍明年來
請於京師自當是元祐元年事或者施金在元年書
碑在二年也碑書於元祐二年至宣和三年始爲刻
石相距已三十四年矣

山左金石志

山左金石志脫一矣字

準高僧塔題字

高一尺二寸廣四寸五分三行行
字不一字徑寸許正書在海鹽

準高僧舍利寶塔

聖宋宣和四年正月十五日重移

訪碑錄云佛像旁皆鑄助緣姓氏然則未拓尙多
也

資州東巖題刻五段

推清和尚塔記

高一尺三寸廣一尺七寸五分
六行行字不一字徑寸許正書

故和尚推清諱胥氏姓癸巳享壽七十歲於壬寅宣和
四年六月十五日申時辭世以當月二十日歸藏此西
南之下立塔小師四人長充押寺希□次長誦金剛經

百法論惟志次希宝次希□師孫二人長法沂次法洛

永為瞻礼

弟子徐正造象

方三寸七分四行行五字字徑六分正書

弟子徐正發心鑄造祈像長小康宜以慶

缺約四字

三月

缺

祈像二字當是誤倒頗似唐刻紀年已泐類列於此

岳陽□□文題名

高一尺廣五寸二行行五字六字字徑寸正書

岳陽□□文

男仲宣仲淵

侍

殘詩刻

高一尺九寸五分廣一尺七寸十二行行約十三字字徑寸許正書

東□□□

郡從事□□□□缺

上

江山□□人人□□□□缺

壁危峯竹□□□□□□缺

由缺

小小巢缺

雪□□下缺

上方缺

缺山缺

缺尤缺

上息 缺

又高存二寸至九寸不等廣二尺十四行行存一字至六字字徑寸許又上石一行小字並正書

□

條□

□□

竹侵

□□門

□山僧出

野色□□

□□聽□□

□□天□□

□起讀罷詞

火□□非□

□□空□□沉

何坐忘□□深

明一剝削

上石

面壁塔題字

高二尺九寸廣三尺一寸七分二行行二字字徑一尺二寸行書前款一行行書徑一寸五六分後款一行正書徑一寸許在登封

面壁之塔

太師魯國公京書

宣和王寅八月資政殿學士河南尹范致虛立石

蒲□□光裔題名

高九寸廣六寸四行行入
字字徑寸許正書左行

閩中蒲□□光裔緣職事經此瞻禮

石像宣和王

寅初冬旦日題

此刻與隴西朋甫題名同在一處未詳所在仍分
系之

天慶院顯達塔銘

高二尺五分廣二尺一寸六分廿七行行廿六字
字弟十六行多一字字徑五方正書在洛陽

宋故西京左街天慶禪院住持達大師塔記銘

師諱顯達字彥濟姓劉氏其先洛陽人也母始保妊時
每地熊羆誕毓六歲一日遽語母曰兒願求出世要寄
浮生於夢幻矣母愕然異其語遂與父亟議從之出家
禮住持妙慧大師道聰爲親教師師雖幼稚一入梵刹
不繩而自循規範凡誦諸妙典殊無凝滯豈非夙習近
胞安能通慧如是耶天聖五禩五月內遇 軋元節特
恩披剃明年授具足戒師十七歲遠趨 天庭簾前
賜紫方袍熙甯元年掌院帑至元祐元年知院莊以師

幹辦風力絕人遠甚德行高潔衆所推重逮元祐四年
陞領住持院事崇奉益勤自是日加營葺內外增修雅
飾一新惟以□誦法華梵網雖祁寒畏暑時無輟焉以
智慧導有眾方便誘檀那一切世間無取無捨無憎無
愛無彼無此無可無不可周旋委曲深得真空般若之
趣統領院務二十餘載晨昏精進略無少懈於大觀三
年十二月始三日儼然示化正寢享年九十二夫富貴
壽天天也賢者必貴仁者必壽師兼得之嗚呼其生兮
若浮萍其死兮若流水臨終不昧獲悟真如逝化昭明
定超覺地粵大觀四年閏八月十五日奉師柩葬于河

南府洛陽縣杜澤村原先塋之次禮也是時建塔紀銘
不具誠爲聞典今宰院知庫遵昇二大師率諸小師妙
端等協龜筮以宣和五年二月十五日起塔紀銘刻諸
翠珉以永其傳度小師一十一人曰妙端妙遇妙方妙
威妙開妙倫妙太賜紫妙褒賜紫妙亨賜紫妙章妙演
一日遽蒙遵昇二大師惠然見臨囑予爲銘不得辭者
義也勉爲之銘曰

師先洛汭 童稚通慧 夢幻知非 樂歸釋第

梵網法華 殊無凝滯 智慧導眾 方便誘厲

院帑豐資 莊糧盈計 宰院承流 無敢違戾

寬猛得中 群鷹伏制 年高益勲 五福俱契
鬱茂松楸 窀穸永閤 卜地斯年 慶傳後裔
小師妙端等知庫賜紫妙昇知事賜紫妙賢住持賜
紫妙遵立石

右顯達塔銘在洛陽存古閣攷宋史仁宗以祥符
三年四月十四日生及卽位以生日爲乾元節誌
云五月內遇乾元節者殆就披剃日言之耳顯達
卒於大觀四年後十三年始起塔而作此銘無撰
書人姓名

壽聖院泛海觀音記讚

高二尺七寸廣二尺五寸廿一行行廿六廿五字字
徑寸許行書銜名二行行字不一字徑六分正書在
陰江

菩薩於天聖元年五月中泛大海至於江陰有客舟邂逅菩薩於中流隨船放光而行舟師以篙棹退如是者三放光不已相次至江岸小石灣住彼不去是夜現白衣人託夢於邑人吳信云緣化右臂信曰臂實難捨餘可奉從白衣人曰此邑雜賣李氏家有香檀可以作臂信候天明驚異尋訪有市人相傳江岸有觀音泛海而來其長及丈信往視之果見菩薩仍無右臂於是信宣言於眾曰菩薩託夢以求此臂我今發心圓滿功德後

果得檀木於李氏家長五尺許乃能成就自是邑人迎
請歸壽聖奉安廣興供養祈禱屢獲感應宣和甲辰二
月二十二日孝竭被旨按兵同常倅王松抵是邑暫
憩壽聖遂獲瞻禮時長老祕源持菩薩示跡請記本末
庶幾見聞發心歸嚮夫大士應願滿心令諸有情獲安
樂地隨緣赴感現六神通以妙智力使彼衆生觀其音
聲而得解脫應得度者卽現其身此亦瀕江近海大士
度人應世悲願之一也王孝竭稽首爲記以書事實

讚曰

大士願力

如彼慈雲

隨聲救苦

普濟羣倫

泛

波滄海 來斯江津 楊枝淨水 洗三業根 示現

脫臂 于彼邑人 與士與庶 作果作因 三塗八

難 平等冤親 於一念際 合覺背塵 頓能穎脫

了達見聞 信彼大士 百億分身 在微塵刹

轉妙法輪 巍巍堂堂 人天所尊

通直郎知常州江陰縣管勾勸農公事兼管勾兵

馬司公事余 恂立石

宣教郎權通判常州軍州同管勾 神霄玉清萬壽

宮偕緋魚袋王 松 邵詳并男擇模

訪碑錄載此碑云王孝竭撰并行書按碑不言書


也驚字缺一筆避諱也

天甯寺蘇過題名

高三尺五寸廣二尺九寸六行行九字字徑三寸立石人名二行小字正書在定州天甯寺大殿壁間

大帥延康陳公邀廉訪梁公飯素 天寧仍率其屬游企盛侖蘇過王執中趙奇韓楫同來孫仲舉王昭明劉用之皆與癸卯九月七日過題

住持傳法賜紫沙門



立石

監寺僧



宋時定州守臣例帶本路安撫使兼馬步軍都總管故有大帥之稱陳公益以延康殿學士知定州者其

名則不可攷矣癸卯蓋徽宗宣和五年也叔黨書勁
挺有家法而流傳絕少乾隆庚戌秋親往訪得之

堂跋
尾

宋全等施石獻床記

高七寸七分廣一尺八寸十七行
行八九字字徑六分正書在河內

維大宋国懷州河內縣清期鄉第二管西金城村稅戶
宋全衛最宋進共三人同發願心自被施石獻床壹座
與本村□□□殿裏面前所獻合村永爲供養
伏願人人家眷平安戶戶老幼康寧子孫昌盛永无灾

郭

皆宣和六年歲甲辰六月朔丙午初三日戊申日安
置石獻床万古不朽石匠人董崇刻進士張先儒
筆

大佛寺湯公詩

高一尺八寸廣一尺七寸前後十一行
行字不等後三行小字俱正書在廡州

提舉顯謨湯公留題

清明日過此壁間得胡仲文小詩因次其韻

亂山橫翠柳垂堤嫋嫋風來水面齊
還似年時惡滋味
清明騎馬過關西

歸州助教權汧源縣尉高慥

迪功郎汧源縣主簿張正功

上缺約五字汧源縣管句學事泐約五字立石

右詩刻在隴州大佛寺立石人名已泐第一行是立石人所書關中金石記列徽宗末

劍南東川鄉賢堂記

高存五尺九寸廣四尺二寸計行行存世四字字徑寸餘正書篆額失拓在三臺

劍南東川鄉賢堂記

朝散大夫知梓州軍州兼管內勸農事兼提舉梓果

渠州懷安軍兵□巡缺上護軍借紫陳鵬謨

前漢州綿竹縣李時雍書

承議郎通判梓州軍州無管內勸農事武騎尉賜緋魚袋龐適篆額

西蜀世多知名之士然其爲人與其功業及其文章經

術行義之實其見於舊史而世數_缺□散漫而難考其

接於耳目而近者亦恐其既久而淺失其真使所聞如

所見而□見信_缺然在人而前此寂_寥無有爲可怪也

運使大夫張公留意講求於此爲久矣去□秋以_缺

州事嘗於州學治新堂既成命宣德郎權教授范奔奉

議郎簽書節度判官廳□□名□_缺風俗通譜所載若

其所未及載者聞人悉繪其像於壁榜之曰鄉賢而以

其爵

□

名氏

□

缺

漢至于

國朝幾千年之閒凡

六十二人雖其所爲流品不同然皆以類□□□□□

缺

同

出

於一時若相望於千古凡是中之人其過於

堂下惟非其所自

出

也□其子□

缺

而構若墜而緒

若是者益勸若是者知懼於是衆皆曰張公於吾州

之人非特教養

缺

□

翼

□

納之

其澤可謂深矣鵬前

公來使後公來守雖隸所部實爲交

承其

與賓客飲

缺

公治在遂而鵬□□○之席曰得備本末而爲之記又

得以述梓人之詠歌

而

爲之詞

曰

遼山高兮瀘水清厥鍾秀氣兮鄉之英之人已去兮迷

聽風聲我懷孔切兮誰儀刑有明庭作新宮兮州

之喪著其為人兮如丹青兒唯肖兮如生或桐挺而孤

高或芝芎缺春華載菊秀兮秋馨或鳳躍而蛟翔

或鳧將而鶴迎使人咨嗟歎息而追惟兮子缺

之之音內懷勸懼兮若從使令亦

瞻像兮昭々而起福兮冥々缺

銘

朝奉大夫梓州路轉運副使兼勸農使護軍賜紫金

缺

据三巴香古志偏注世字補一字正一字碑無年

月龐適有藏眞崖銘刻於政和三年附北宋末

八瓊室金石補正卷一百十一終